


مکملہ ادبی

ادبی و سیاسی رسالہ اسبوعیہ در ❀


۳۰ نجی سنہ



۱۹ جمادی الاولیٰ ۱۳۲۹

❀ پچشنبہ ❀

جزو عدد : ۹۶



انجمن خاموشان

(منیف پاشا مرحومکدر)

وقتيله (همدان) ده خاموشان اسمنده بر جمعيت تشکيل ايتمش ايدى که ،
اعضاسى چوق دوشمک و آرز يازمق و افاده مرآمده زياده اختصاره رهايت ايتمک
قواعد اساسيه سندن ايدى .

بالجمله ايران محققين علماسى بوانجمنک اعضالغنى سرمايه فخر و شرف ايدرلردى .
مؤلفيندن (حکيم زاب) نام ذات اوراده براعضالق یرى منحل اولديغنى خبر
المغله درحال همدانه عزيمت و انجمن اربابنک محل اجتماعلى اولان دائرمنک
قبوسنه کيدرك « حکيم زاب » آجبق محلى عاجزانه نياز ايدر . « جمله » مختصره سندن
عبارت اوله رق تنظيم ايتديكى عرضحالى برخدمنجى واسطه سيله رئيسه تقديم ايدر .
فقط آجبق محله اولجيه بر بشقه سى انتخاب اولنمش اولغله انجمن ، حکيم زابه
جواب رد اعطاسنه مجبور اولدى . و بويکى اعضا ، بعض اصحاب نفوذک توصيه سى
اوزرينه کرها قبول اولنمش برنا اهل اولغله . حکيم زاب کي ايجازى درجه اعجازه
ايصال ايتمش بر اديب کاملک وقتيله مراجعت ايدمه مامسندن طولايي تأسف ايلدى .
بوني تبليغه مأمور اولان رئيس اجراسنده تردد ايدرك نه وجهله حرکت
ايدمه جکسندن متخير قالدى . براز وقت اعمال فکر ايتدکدن صکرمه برکاسيه لبالب ،
يعنى برطامله ده قونمش اولسه طاشه جق درجه ده صو طولديروب طالب مومى الهى
تزدينه دعوت ايلدى .

حکيم زاب ، مزيت حقيقيه اربابنه مخصوص اولان کمال ادب و تواضع ايله
حضورينه داخل اولدقده رئيس قيام ايدوب ، حرف واحد تفوه ايتمه رک مذکور

کاسه‌ی متأسفانه کندوسنه ارانه ایلدی . حکیم زاب ، بومرزدن انجمنده آجیق
بر اولدیغنی تفرس ایله برابر ، بوجواب رددن مایوس اولیه‌رق فضلہ بر اعضاسنک
تعییننده بآس اولیه‌جغنی اشراب ایتک ایستدی . و باشندده صوقیلی اولان کلدن
بر ورق قوپاروب اصول ایله صویک اوزرینه قویدی . و بوندن ناشی کاسه بر طامله
بیله طاشمدی .

بالجمله حضار ، بوجواب ظریفانه‌ی زیاده تحسین ایدوب مساعده مخصوصه
اوله‌رق کندوسنی آلقشارله اعضالغه قبول ایتدیلر . و حسب‌الاصول اسمنی یازمق
ایچون انجمن اعضاسنک اسامی دفتری کندوسنه ویرملکله اسمنی تحریر ایلدی .
و عادت اولدیغنی اوزره مقام تشکرده بر قاج کلدن عبارت بر نطق مختصر سویلسی
لازم کلکله ، حقیقه انجمن خاموشان اعضالغه لایق صورتله شق شفه ایتکسزین
بو وجیه‌ی ایفا ایلدی : شویله‌که : مذکور دفترده اسمنک حذاسنه رفقاسنک عددی
اولان (۱۰۰) رقتی یازوب بونک صول طرفه بر (صفر) قویدی . و زیرینه :

۰۱۰۰

« بومقدار نه آرتدی ؛ نه اکسیلدی . »

عباره‌سنی علاوه ایلدی .

رئیس دخی غایت تزیه و حاضر جواب بر ذات اولمغله بوکا بر مقابله جمیله
اولق اوزره ۱۰۰ رقتک صول طرفه « ۱ » رقتی وضع و آلتنه دخی :

۱۱۰۰

« قیتملری اون برقات آرتدی . »

عباره‌سنی تحریر ایلدی .

